


Pāngarau

Tauaromahi Kaupae 1



Ka tautoko tēnei tauaromahi i te:

Paerewa Paetae 92066 (1.2)

Te tūhura raraunga ki tētahi tukanga pakirehua tauanga

Ko te tauaromahi he taura mahi a te ākonga e whakamārama ana i te matū o te paerewa paetae. He mea āwhina i te kaiako ki te kōwhiri whakataunga aromatawai ki te taumata e tika ana.

	Taumata: Kairangi
1.	<p>Mō Kairangi, me tūhura raraunga ki tētahi tukanga pakirehua tauanga me te whakaaro aroā.</p> <p>Ko te whakaatu aroā tauanga hōhonu te mea nui. Nō reira, ka kitea ēnei:</p> <ul style="list-style-type: none">• ka kōtuitui i te mātauranga tauanga, te tūponotanga me te mārāma ki te horopaki, i roto i ngā wāhanga katoa o te tūhuratanga tauanga, ki te reo Māori hoki.• ka arohaehae i te tukanga tauanga, tukanga tūponotanga me ngā whakamārama e hāngai ana ki ngā whakakitenga. <p>Ka whakaaroaro i te whai wāhi mai o ētahi atu taurangi, o ētahi atu āhuratanga rānei e whai pānga ana.</p> <p>Ka whakahoropaki i te kaupapa ki tētahi pūāhua Māori me te tautohu i ngā tikanga Māori e whaitake ana.</p> <p>Pangārau: 1.2 Ngohe C - He Wai Kawe Oranga</p> <p>Tā te ākongā mahi</p> <p>Ko tā te ākongā nei, he kaupapa nui te whakarauora i te taiao i Aotearoa nei, otirā, i te ao whānui nei. Ka tūhura, ka matapaki i te ora o tōna manga me ngā awa o tōna whaitua.</p>



	<p>Taumata: Kaiaka</p>
<p>2.</p>	<p>Mō Kaiaka, me tūhura raraunga ki tētahi tukanga pakirehua tauanga me te whakatakoto parahautanga.</p> <p>Ko te parahau i ngā wāhanga o roto i ngā tikanga tūhuratanga tauanga te mea nui. Nō reira, ka kitea ēnei:</p> <ul style="list-style-type: none"> • ka tūhono i ngā wāhanga o roto i ngā tikanga tūhuratanga tauanga ki te horopaki me te taupori, ki te reo Māori hoki • ka whakaputa kōrero taunaki, hei tauira: <ul style="list-style-type: none"> • ko ngā tātaitanga tauanga whakarāpopoto pērā i te toharite me te tau waenga • ko ngā uara raraunga • ko ngā ia me ngā āhuratanga kōhure o roto i ngā whakaari raraunga • ka kōrero mō te horopaki me te taupori ki te reo Māori. <p>Ka parahau i ētahi putanga tūponotanga, ā, ka whakahāngai i te kaupapa ki tētahi pūāhua Māori me te tautohu i ngā tikanga Māori e whaitake ana.</p> <p>Pangārau: 1.2 Ngohe C - He Wai Kawe Oranga</p> <p>Tā te ākongā mahi</p> <p>I tutuki i te ākongā ngā mahi e hāngai ana ki te paetae, kātahi ia ka tūhura i ngā tikanga tūhuratanga mā te whakaputa kōrero taunaki e hāngai ana ki te horopaki (1). Kārua, i kōrero ia mō ngā pūāhua Māori me ngā momo tikanga e hāngai ana ki tōna rohe (2).</p>



	Taumata: Paetae
3.	<p>Ko tā tēnei paerewa, he tūhura raraunga ki tētahi tukanga pakirehua tauanga. Ko te pūtake o tēnei paerewa, he tautoko i ngā ākonga ki te waihanga pūkenga kia taea ai te whakahaere tūhuratanga tauanga me te pāpono, me te torotoro pūāhua rerekē.</p> <p>Me whakamahi te ākonga i:</p> <ul style="list-style-type: none">• ia wāhanga o ngā tikanga tūhuratanga tauanga hei whakaputa whakatairitenga• ngā huatau me ngā kupu e hāngai ana hei whakaatu i te mōhio ki te reo matatini o te pāngarau• te tukanga whakamātau tūponotanga. <p>Pangārau: 1.2 Ngohe C - He Wai Kawe Oranga</p> <p>Tā te ākonga mahi</p> <p>I tīmata mai te ākonga ki tētahi tūhuratanga tauanga, mā te whakarite pātai, te rangahau, te tātari me te waihanga kauwhata, ka mutu i whakakapi i ngā kōrero katoa ki tētahi pūrongo (1). Kārua, ko ngā huatau me ngā kupu i whakamahi e hāngai ana ki te reo matatini o te Pāngarau, mā te aro ki ngā kupu matua e hāngai ana ki te tauanga me te tūponotanga (2). Kātoru, i whakauru i ētahi āhuratanga tūponotanga (3).</p>

